



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Fabrica Ecclesiae.

urn:nbn:de:hbz:466:1-10447

natio, potest tamen ab eo, ut sedis Apostolicæ delegato, sac. Congr. declar. 418. in *meis*, quæ respondit in factò per verba prædicta, de quadam Lucæ collegiata Sancti Michaelis.

Quartò, exempti non sunt religiosi cujuscunque ordinis, etiam Sedis Apostolicæ capellani à subjectione suorum superiorum, Greg. XI. *Bul. 2.*

Quintò, exemptio præsumitur, & acquiritur per quali possessionem quadraginta annorum, c. *de quarta, de præsc. Nav. conf. 8. n. 3. de rescript.*

Sextò, circa subcollectores vel Commissarios Reverendissimi Nuncij in hoc Regno Neapolitano, audivi & vidi gaudere exemptione ab Ordinariis singulos diocæses constitutos, & ita practicatur hodie cõmuniter: hinc emergit aliud dubium, an subcollector, seu commissarius constitutus in una diocæsi, sit exemptus à jurisdictione alterius diocæsis, & videtur, quòd sic. nam ita vidi, & audivi responsum fuisse ab Illustrissimo Jacobo Aldobrandino Nuncio in hoc regno Neapolitano, in factò Archiepiscopi Beneventani, nempe, *Subcollector unius diocæsis est exemptus in toto Regno Neapolitano*, de anno 1596. & potest esse ratio, quia est privilegium officij, non loci, vel personæ, prout privilegium canonis, *si quis suadente*, 17. qu. 4. & in factò quidam presbyter Beneventanus, qui erat subcollector in diocæsi Larinensi, solùm reliquit Beneventi, & Archiepiscopus volebat eum castigare, tamen Nuntius petiit remissionem causæ, & fuit remissus. facit quod dixi *superius in ver.*

beneficium, §. 2. *ver. 9.* nempe quòd sola deputatio subcollectorum causat beneficium affectum, seu reservatum.

Septimò, exempti clerici, vel in sacris, vel beneficiati, ratione habitus clericalis, & tonsuræ, & beneficiorum subsunt locorum Ordinariis, eorumque pœnis, sac. Conc. *Trid. sess. 14. cap. 6. de refor. Clem. 1. & ibi gloss. in ver. nominatim, de vit. & hon. cler.*

Octavò, an sint exempti referendarij à jurisdictione Ordinariorum, vide *in ver. referendarij.*

FABRICA ECCLESIAE.

Primò, fabrica Ecclesiæ, valet consuetudo, ut à parochianis fieri debeat, similiter & ejus reparatio. *Rebuff. de dispensatione rat. atar. n. 77.*

Secundò, quando hæredes sunt negligentes per triennium, seu alias à die mortis in exequendis legatis pijs, circa Missarum celebrandarum, & divinorum officiorum celebrationem, commissarij fabricæ medietas sibi, alia medietas loco cui reducta fuit, Pius V. *Bul. 96. quæ incipit: Exigit*, & quia videtur clarè, quòd solùm in legatis temporaneis non perpetuis isti commissarij se possunt intromittere, ut si quis reliquerit Missas celebrandas perpetuò, & aliquis presbyter fuit de illis provivus, ut fit in capellanis, & exigere incœpit bis, vel semel, vel pluries, si hæredes deficerent per aliquot annos, non potest commissarius fabricæ

K 2 in

in hoc se intromittere, quia sunt loco sacrificiorum, & onera perpetua, sed si à principio hæres fuerit negligens ad exequendum & solvendum, tunc habet locum Bulla Pii V. & Commissarius potest compellere ad solvendum jam omissum, & de eo sumere medietatem, sed in posterum ut solvatur Sacerdoti celebranti, & hoc nota, licet post lapsum unius anni, Pius IV. Bull. 58. de qua in ver. *Notarij*, & illud erit onus Ordinarii.

FAMILIARES, ET SERVITORES PRÆLATORUM.

Familiares, & servitores Prælatorum, salaria pro biennio tantum petere possunt, & infra annum à die mortis obitus illorum, Paul. III. Bull. 43. *que incipit, Cùm sicut*, & Pii V. Bull. 33. *que incipit, Cupientes*.

Familiares Papæ, qui dicantur, vide Bull. Paul. III. *que est 78, & 79*. ubi omnes, qui habent panem à Palatio, dicuntur veri familiares, & Bull. Jul. III. *que est 44, & incipit, Cupientes*, ubi etiam declarat ordinationem servandam in satisfaciendis creditoribus Prælatorum in Romana Curia decedentium.

Familiares Cardinalium qui dicantur, vide Gom. *in regula de impet. benef. per ob. sam. Car.*

Familiares Episcopi an gaudeant privilegio fori, dic, quod sic, & vide *sup. in ver. Episc. §. 23.*

FIDEI PROFESSIO.

Beneficiatus, qui tenetur facere fidei professionem juxta sacri Concilii dispositionem, *sess. 24. c. 12. ca. 18. sess. 25. c. 2. de reform.* potest illam facere per procuratorem. ita Nav. *conf. 11. nu. 2. de iur. jur.* sed Apostill. ibi dicit aliter censuisse sacram Congr.

FUSTIGATIO.

Primò si aliquis Ecclesiasticus condemnatur ad fustigandum, vel ad triremes, & fustigetur, & remiget, an per hoc censeatur irregularis?

Respondetur, quòd si delictum fuit verum, ob quod fuit condemnatus, fustigatus, & remigans, est irregularis in utroque foro, si verò ex falsis testibus, vel vi tormentorum ob delictum, quod non fecerat, fuit condemnatus, est quidem irregularis in foro exteriori; secus verò in interiori: ita consuluit Navar. *consil. 17. de heret. & consil. 7. facit capit. tantis Daniel, 81. dist. c. omnipotens. de accus. quia ictus fustium inducunt infamiam, Lictus fustium, ff. de his qui not. infam. & c. infamib. de reg. jur. lib. 6. clauduntur januæ dignitarum.*

Secundò, an clerici possunt verberari, vel fustigari?

Respondetur, quòd sic, si ita exposculetur suum delictum, Clar. *q. 70. ver. etiam pœna*. sed non multum videtur in usu, licet intra palatium posset hoc fieri. Host. *in sum. tit. de cler. percuss. §. in quo, c. & in alio loco melius.*

FESTA.